

# Danz en ät Aapen

Schwäit, ick häv Schwäit, - upp 'n Kopp un anne Nierse.  
 Ker, mi löpp dat Water runner - ürwe 'n Rüggen bet inne Mäse.  
 Ick Danz, äs so'n Aapen, alle men tou mit dräi Emanzen:  
 Mit Emma, un dat Anna, un auk dat Lisbeth mott ick danzen!

Dreih äs links, so is recht - holt äs still, süss wett' mi schlecht.  
 Een mool rund, twee mool rund - dat gedreih' is nich gesund!  
 Un' nu kümp auk no' dat Lehne, mit den langen Hals un de dicken Beene,  
 kürt mi an – ick kann nich wech, nu mock de bi, so'n Pech!

**Du mit mi, Lehne, wi dreihet uns mehrmolls  
 so, jetz' mak' di nich' so stief, kumm wi danzet as domols!**

Icke mott mol achte de Äiken, go no'n Kloh un dann an'ne Theken.  
 Drink Wacholder un dräi Beer - is mi schlecht, oh jeminee!  
 Doch doah seh' ick'se wäh up mi toukuomm,  
 Emma, Anna, Lisbeth sind vönt Kloh kuom.  
 Ick goah stiekum ute Dürden, un verstopp' mi achte de Mürden.

Ick' dacht' ick wöhr alleene - werk stäiht achte mi? - Dat Lehne!  
 Schlürt mi mit, ick mot allwäh danzen - doch nu dreih't sick de Saal in Ganzen!  
 Up eenmol – ehr äs ick'et seh, ligget wi lang in't Mitternachtbuffet!  
 Kann nich upstaun, denn dat Lehne klemmt mi in mit de dicken Beene.

**Du mit mi, Lehne, wi dreihet uns mehrmolls  
 so, jetz' mak' di nich' so stief, kumm wi danzet as domols!**

*Lehne, nu stoh äs up hier, ick häv den ganzen Kopp vull Errapelschlaut ...  
 un, un, un watt döt dat Schwienekloinken in dien Dekolttäi?  
 Ouh, ouh, is mi kodderich öi ...*

